

THOMÆ  
BARTHOLINI

61  
B27t

ACTA  
MEDICA ET PHILOSOPHICA HAFNIENSIA

Ann: 1674. 1675. 1676.

*Figuris æneis illustrata.*

---

VOLUM. III. & IV.

---



HAFNIÆ,

---

Sumptibus PETRI HAUBOLD. Acad. Bibl.  
cl) Isc LXXVII.

Circa fontem, quem anno præterito commemoravi petrificatas aliquot massas hæc adjungo, ubi conspicua folia betulæ in lapidem conversa, frustulum rami betulæ cum cortice & nonnulla alia vegetabilia; de animalibus nondum factum est experimentum propter incuriam coloni cui hoc negotium mandavi. Hinc tibi mitto terræ cujusdam & myrtilli speciem, quibus junctis pannos & alia lanificia nigro colore tingunt nostrates; color ex adjuncto panniculo apparet. Semper viret hæc myrtilli species & viribus pollet diaphoreticis. Fraticem deniq; oculis tuis subjicere visum est, quo luteo colore inficitur lana, à nullo, quod sciam, botanicorum descriptum. Modum tingendi si desideras, prima occasione significabo.

## LXXXIX.

De Spir cornu Rhinocerotis.

Ex Epist. *Hermanni Nicolai Grim*

Nagapatnam Ind. Orient. 22. Sept. 1674.

ad

*D. Olavum Borrichium.*

**V**ocatus sum ad Generalem Admirantium Richlofvan Goes ut fluxum acidum in genu & digito pedis magno curarem, cui per multos annos medicamenta applicuerat sine ullo levamine, tamq; felix fui ut laudem enarrationis reportaverim cum sostro XV auri frustulorum, h. e. 150 Imperialium. Curavi illum spiritu Cornu Rhinocerotis, aliquoties rectificato cum spir. vini & proprio oleo, donec totus sulphureus & penetrans evasisset. Hic Generalis, est Regens Regni Ceylon, Mallabar, & Coromandel &c.

Occupatus sum in conficienda Pharmacopœa Columbi-  
ana, quod egregium erit opus pro India, unde famam spero.

De

## XC.

## De arbore Cinamomi.

Ex Eiusdem Literis Columbæ scriptis 8 Sept.

1675. ad eundem.

**C**olumbæ jam degout Medicus, mihiq; subjecti sunt 200 Chirurgi. Solarium meum in singulos menses sunt 40 Imperiales, magnamq; commoditatem habeo investigandi Naturam in his locis. Inprimis præterire non possum de Cina momo hujus Regni Ceylon cum admiratione pauca scribere, quæ arbor tot olea præbet, ut similem non credo reperiri in universo orbe. Oleum ex cortice satis notum est. Folia oleum sumministrant prorsus simile oleo Caryophyllorum. Folia similia sunt foliis Lauri; fructus seu baccæ eandem similitudinem habent quam baccæ Lauri, oleumq; dant per destillationem & expressionem, ut & ceram egregiam, quæ incensa suavem odorem spirat. Radicibus quoq; pretiosum oleum in est, camphora insignis, subtilis & penetrabilis instar florum, cera quoq; & alia. Ut hinc fluant inusitata variaq; medicamenta. Mirum est, ex una arbore tam varia & diversa provenire.

Insigne opus præ manibus habeo, in quo continetur quicquid hic in India laboravi ex Regno Vegetabili, Animalis & Minerali, si vires Deus largitus fuerit, valetudinem & otium.

Ex Eiusdem literis Columbæ in Insula Ceylon scriptis 8 Dec. 1675. ad eundem.

Strenuè in arbore Cinamomi opera mea desudat, quæ sequentia nobis subministrat: Ex floribus albis albam ceram veram; ex fractu, baccis lauri simili, ceram, oleum per destillationem naturæ temperat; ex foliis oleum acre & calidum,

Y

quasi.